

Pred najavljeni popis u BiH Nezanjanje bi Bošnjake moglo svrstati u 'ostale'

16/10/2012 19:52 by Administrator

Hoće li popisom stanovništva biti osigurana ispravna popisna slika Bosne i Hercegovine i kroz nju zaštićeni nacionalni interesi Bošnjaka, pitanje je na koje će odgovor biti iskristaliziran već na prvim rezultatima najavljenog probnog popisa. Prema utvorenim modalitetima, veliki broj Bošnjaka u BiH bi predstojećim popisom, zahvaljujući prvenstveno svojoj neupućenosti, ali i tradicionalnim strahovima od lišnog identificiranja, mogao lako postati "ostali".

Nacionalna slika Naime, prilikom popisa svi odgovori koji se tiču nacionalne identifikacije Bošnjaka, ukoliko ne budu precizirani samo kao "Bošnjak", u konačnoj statističkoj obradi svrstavat će se u kategoriju "ostali", odnosno neće ući u popisnu masu konstitutivnih naroda. - Mnogo je onih, posebno u RS, koji još ne vide razliku između pojma musliman i Bošnjak. Svako ko, naprimjer, na pitanje o njegovoj nacionalnosti popisivaču odgovori da je "musliman", "musliman-Bošnjak", "Bosanac" ili "Bosanac-musliman" on će se evidentirati kao "ostali" ili, kako stoji u popisnici, "ne izjavlja se". Ta zamka posebno vrebata starije i dovoljno neuke osobe, a kakvih je, kada su u pitanju Bošnjaci, u RS veliki broj, i što može da ima dalekosežne posljedice na nacionalnu sliku BiH, ali i budućnost Bošnjaka kao njenog najbrojnijeg naroda - istie Ramiz Salkić, potpredsjednik Narodne skupštine RS (NSRS).

On apelira na probosanske nevladine organizacije, kulturne organizacije, političke partije, pa i Islamsku zajednicu, da u sklopu svojih aktivnosti, u vremenu do početka popisa 2013. godine, jednom ozbiljnom kampanjom pokušaju Bošnjacima ukazati na greške koje davanjem nejasnih odgovora popisivačima mogu napraviti. - Svaki Bošnjak koji, naprimjer, popisivaču kaže da govori "bošnjačkim", a ne bosanskim jezikom ili da je po vjeri musliman, a ne da je islamske vjeroispovijesti, on će biti tretiran kao neko drugi. Popis je prilika da se i u RS prizna bosanski jezik. Znam da mnogi računaju na bošnjačke greške na popisu, a koje bi broj Bošnjaka trebale smanjiti u korist "ostalih", odnosno bošnjačko stanovništvo svesti ispod 10 posto ukupnog broja stanovnika RS. Kad se to dogodi, onda se ne treba čuditi ako nekome padne na pamet da od RS pravi srpsku nacionalnu državu - upozorava Salkić. Kad je u pitanju nacionalna identifikacija Bošnjaka na popisu, upravo zbog konfuzije stvorene u vezi termina "musliman-Bošnjak-Bosanac", greške, sa ništa manje posljedica, vrebaju i područje Federacije, posebno krajeve u kojim Bošnjaci predstavljaju manjinu. - Posebno uputstvo za popisivače "Dnevni avaz" saznaje da se uputstvom za popisivače i opštinske instruktore za probni popis, od ukupno 46 pitanja u popisnici za lica, te 22 pitanja u popisnici za domaćinstva, samo za pitanja o etničkoj, odnosno nacionalnoj pripadnosti, vjeroispovijesti i maternjem jeziku, od popisivača traži da osobama koje popisuju ne daju ponuene modalitete odgovora, kako se, navodno, ne bi utjecalo na njihove odluke. Upravo je tu zamka za svaku neuku osobu koja još ne vidi razliku između termina Bošnjak i musliman. - Danas počinje Probni popis stanovništva i domaćinstava u BiH počinje danas i trajat će do 29. oktobra. Riječ je o simulaciji popisa stanovništva koji će biti održan u aprilu 2013. godine. Probni popis obuhvatit će 60 popisnih krugova od po stotinjak domaćinstava u RS, FBiH i Brčko Distriktu. - Svi uključeni u popis stanovništva nosit će jasne oznake, odnosno, akreditacije, a zagarantirana je tajnost svih podataka - izjavio je direktor Agencije za statistiku BiH Zdenko Milinović i dodao da će probni popis koštati 200.000 KM, a troškove će solidarno snositi državni i entitetski nivoi te Brčko Distrikt. Probni popis će na području FBiH raditi 180 osoba, a popisom će biti obuhvaćeno oko 9.000 osoba.

Izvor vijesti: Dnevni Avaz